



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Synodalia Osnabrvgensis Ecclesiæ, Ab Anno Christi  
MDCXXVIII.**

**Brogberen, Johannes**

**Coloniæ Agrippinæ, 1657**

Decretvm De dimissione Synodi, & Indictione proximae.

**urn:nbn:de:hbz:466:1-14298**

mifis, tranquillitas, salus, & divinarum gratiarum abundantia.

**C L E R V S.** Domine Deus, respice ad animas, diabolica fraude deceptas, ut errantium corda resipiscant, & ad veritatis tuae redeant unitatem. Benedic etiam, Domine, filios tuos; & esto in circuitu populi tui, ex hoc nunc & usque in saeculum.

**D I A C O N V S.** Decretorum hujus Diocesis Osnabrugensis obseruantiam salutarem, omnes, qui hic adsumus, uranimi voto, a Deo, bonorum omnium largitore, humiliter imploremus; intercedente Deipara Maria, Dominâ nostrâ, cum sanctis Apostolis Petro & Paulo, atque beatis Patronis nostris Crispino & Crispiniano, & omnibus Sanctis.

**C L E R V S.** Fiat, fiat. Amen, amen.

**D I A C O N V S. F R A N C I S C O G V I L I E L M O.** Antistiti amplissimo, Pastori vigilantissimo, Ecclesiasticae disciplinae assertori, perennes gratias.

**C L E R V S.** Perennes gratias; incolumem salvumque illum Dominus nobis diutissime custodiat atque conservet.

**D I A C O N V S.** Totius Synodi Clero atque conventu, pacem, concordiam, & gratiam a Domino.

**C L E R V S.** Pacem, concordiam, & gratiam, nobis semper Dominus concedat. Amen, amen.

*In fine, duo de Clero cantarunt: Benedicamus Domino.*

*Omnis responderunt: Deo gratias, Deo gratias, semper dicamus Deo gratias.*

*Finitis acclamacionibus, Illustrissimus, confidens in faldistorio ante altare, exceptis ad osculum pacis, primo ministros, in paramentis sacris sibi assistentes; deinde Prepositum Cathedralis Ecclesiae, Decanum, & reliquos Capitulares omnes; post hos, Dominum Abbatem Iburgensem, Capitulum sancti Ioannis, Deputatos Monasteriorum, Decanos rurales; qui illud inter sui Decanatus Parochos distribuerunt; Pavrem Priorem in Osterberg, Priorrem Dominicanorum, Guardianos Franciscanorum strictioris Observantie, in Widenbrugk, Rittberg, & Vechta; qui eam ad Religiosos suos singuli dederunt.*

*Posteaquam inter omnes pacis osculum distributum fuit, Secretarius, in Choro ante cancellos subsistens, legit in haec verba:*

### D E C R E T V M

*De dimissione Synodi, & Indictione proximæ.*

**A** D laudem Dei omnipotentis, Beatissimæ Virginis Mariæ, & SS. Crispini & Crispiniani Martyrum, & aliorum Patronorum

nostrorum, decernimus, Synodum hanc nostram dimissam, ac propter ea cuique eundum esse ad proprias Ecclesiæ. Hortamur autem omnes vos, fratres charissimi, ut tales vos praebatis in ministerio vestro, quales maxime decet Sacerdotem, ab omni mundanorum cura segregatum. Illudque maxime, cum redieritis, præstandum erit, ut populus omnis, vos ab hac Synodo non mediocrem fructum reportasse, intelligat. Id fiet, si novo Spiritus sancti lumine illustrati, qua magna Synodorum est vis & virtus, ceteris, in omni opere vestro, in posterum prælucere studueritis, &c., in omni parte officii vestri, omnem diligentiam adhibueritis. Proximam vero Synodum denuo celebrandam indicimus die tertia mensis Octobris, hujus anni millesimi sexcentesimi quinquagesimi primi, ad quam omnes & singuli diligenter comparebunt.

*Lectio hoc Decreto, Illustrissimus benedixit Clero genitexo, & populo; solemniter publicata sunt indulgentiae per Presbyterum assistentem; ac, pro fine Synodi, Diaconus canavit: Recedamus in pace.*

*Respondit Clerus: In nomine Christi.*

*His igitur feliciter peractis, depositus Illustrissima Celitudo, cum reliquis qui induerant, parvamenta; &, facta oratione modo spatio ante altare cum Cappa, reductus est ad foras Ecclesie per Canonicos Cathedrales, resonantibus interim Organo & campanis Ecclesie Cathedrais.*

Et quia ego Ioannes Brogborn I. V. L. & Collegiatae Ecclesie SS. Ioannis Baptiste & Euangeliæ Ratisbonæ Canonicus, & Pastor in Rumloë, à suprà memorato Reverendissimo & Illustrissimo Domino Præside, in Actuarium hujus sacre Synodi deputatus fui, Decretorum Synodalium promulgationi, reliquisque in ea peractatis, interfui; idcirco eisdem Decretis, in fidem eorundem, propria manu subscripsi. Acta sunt haec anno, à parti Virgineo, M D C L I; Pontificatus sanctissimi Domini nostri INNOCENTII X, sexto; diebus, menfe, loco, quibus supra; praesentibus Venerabilibus ac Eruditis Dominis, Antonio Sollinger, & Nicolao Schaberg, Cathedralis Ecclesie Osnabrugensis Vicariis, ac respective Sacristano & Notario publico, testibus, ad hoc specialiter requisitis, & fide dignis.

**IOANNES BROGBORN I. V. L.**  
Capellanus major Illustrissimi Osnabrugensis, & Actuarius causarum Ecclesiasticarum, ad hoc specialiter deputatus, subscriptus.

D I O E-